

# ՊԱՅՄԱՆԱԳԻՐ N ԱԴ 2

## Սուբսիդիա տրամադրելու մասին

ք.Գյումրի

«22» «հունվարի» 2026 թ.

Հայաստանի Հանրապետության Շիրակի մարզպետի աշխատակազմը (այսուհետ՝ Պատվիրատու), ի դեմս Հայաստանի Հանրապետության Շիրակի մարզպետի աշխատակազմի գլխավոր քարտուղար Ա.Աբրահամյանի, ով գործում է Հայաստանի Հանրապետության Շիրակի մարզպետի աշխատակազմի կանոնադրության հիման վրա, մի կողմից և «Գյումրու մարզական բարձրագույն վարպետության դպրոց» ՊՈԱԿ-ը (այսուհետ՝ Կատարող), ի դեմս կազմակերպության տնօրեն՝ Ա.Վարդանյանի, մյուս կողմից, հիմք ընդունելով Հայաստանի Հանրապետության կառավարության 2025 թվականի դեկտեմբերի 25-ի «Հայաստանի Հանրապետության 2026 թվականի պետական բյուջեի կատարումն ապահովող միջոցառումների մասին» N 1910-Ն որոշումը, կնքեցին սույն պայմանագիրը հետևյալի մասին.

### ՊԱՅՄԱՆԱԳՐԻ ԱՌԱՐԿԱՆ

Սույն պայմանագրով Պատվիրատուն Կատարողին հատկացնում է 64030600 (վաթսունչորս միլիոն երեսուն հազար վեց հարյուր) Հայաստանի Հանրապետության դրամ, Հայաստանի Հանրապետության կառավարության 2025 թվականի դեկտեմբերի 25-ի N 1910-Ն որոշմամբ Հայաստանի Հանրապետության պետական բյուջեով (բյուջետային ծախսերի տնտեսագիտական դասակարգման «Արտադպրոցական դաստիարակություն» ծրագրով)՝ «Գյումրու մարզական բարձրագույն վարպետության դպրոց» պետական ոչ առևտրային կազմակերպությունում արտադպրոցական չափորոշիչին համապատասխան՝ համաձայն մատուցվող ծառայությունների ընդհանուր նկարագրության՝ հավելված 1-ի, միջին տարեկան 260 (երկու հարյուր վաթսուն) սովորողի ուսուցումը կազմակերպելու համար, ընդ որում՝ արտադպրոցական դաստիարակության գծով միջին տարեկան 28 (քսանութ) խմբի համար:

### ԿՈՂՄԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

2. Պատվիրատուն իրավունք ունի.
  - 1) Վերահսկել կատարողին հատկացված դրամական միջոցների օգտագործման արդյունավետությունը:
  - 2) Պահանջել կատարողից ներկայացնել եռամսյակային հաշվետվություններ սույն պայմանագրի 9-րդ կետում նշված ժամկետներում:
  - 3) Կատարողից պարբերաբար պահանջել ու ստանալ տեղեկություն սույն պայմանագրի կատարման ընթացքի մասին:
3. Կատարողն իրավունք ունի Պատվիրատուից ստանալու Հայաստանի Հանրապետության պետական բյուջեից հատկացվող գումարը սույն պայմանագրի 7-րդ կետում նշված ժամկետում և կարգով:
4. Պատվիրատուն պարտավոր է Կատարողին ցուցաբերել անհրաժեշտ մեթոդական օժանդակություն և աջակցություն:
5. Կատարողը պարտավոր է սովորողների ուսուցումն իրականացնել արտադպրոցական պետական չափորոշիչին և առարկայական չափորոշիչներին համապատասխան՝ օրենսդրությամբ սահմանված կարգով և ձևով:

### ՎՃԱՐՈՒՄՆԵՐԻ ԿԱՐԳԸ

6. Սույն պայմանագրով նախատեսված Հայաստանի Հանրապետության պետական բյուջեից աջակցության առավելագույն չափը կազմում է 64030600 (վաթսունչորս միլիոն երեսուն հազար վեց հարյուր) Հայաստանի Հանրապետության դրամ:
7. Պատվիրատուն 6-րդ կետում նշված գումարը «Հայաստանի Հանրապետության 2026 թվականի պետական բյուջեի մասին» Հայաստանի Հանրապետության օրենքի համաձայն փոխանցում է Կատարողի հաշվին համամասնորեն՝ ամսական կտրվածքով՝ համաձայն ֆինանսական պարտավորությունների կատարման ժամանակացույցի՝ հավելված 2-ի, ոչ ուշ քան տվյալ ամսվա 10-ը: Վճարում է անկանխիկ՝ դրամական միջոցները Կատարողի հաշվին փոխանցելու միջոցով:

### ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

8. Կողմերը սույն պայմանագրով նախատեսված պարտավորությունները չկատարելու կամ ոչ պատշաճ կատարելու համար կրում են պատասխանատվություն Հայաստանի Հանրապետության օրենսդրությամբ սահմանված կարգով:

**ԾԱՌԱՅՈՒԹՅԱՆ ԸՆԴՈՒՆՈՒՄ-ՀԱՆՁՆՈՒՄ**

9. Սույն պայմանագրով նախատեսված ծառայության ընդունումը կատարվում է՝ համաձայն Հայաստանի Հանրապետության ֆինանսների նախարարի 2010 թվականի մայիսի 18-ի N 346-Ն հրամանով հաստատված հանձնման-ընդունման ակտի ձևի՝ հավելված 3-ի, մինչև յուրաքանչյուր եռամսյակին հաջորդող ամսվա 2-ը, իսկ 4-րդ եռամսյակի համար՝ մինչև դեկտեմբերի 25-ը:

**ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)**

10. Սույն պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե այդ իրավիճակը ստեղծվել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո և որը կողմերը չէին կարող կանխատեսել կամ կանխարգելել: Այդպիսի իրավիճակներ են. բնական աղետները, հրդեհը, պատերազմը, ռազմական և արտակարգ իրավիճակի հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով նախատեսված պարտավորությունների կատարումը:

**ԵԶՐԱՓՈՒԿ ԴՐՈՒՅԹՆԵՐ**

11. Սույն պայմանագիրն ուժի մեջ է մտնում կողմերի ստորագրման պահից և գործում է մինչև պարտավորությունների լրիվ կատարումը:

12. Սույն պայմանագրում փոփոխություններ և լրացումներ կարող են կատարվել միայն կողմերի փոխադարձ համաձայնությամբ՝ համաձայնագիր կնքելու միջոցով: Համաձայնագիրը կհանդիսանա սույն պայմանագրի անբաժանելի մասը:

13. Սույն պայմանագիրը բաղկացած է 2 էջից, անբաժանելի մաս կազմող հավելված 1-ից, հավելված 2-ից և հավելված 3-ից /յուրաքանչյուր՝ 1 էջ/, հավասար իրավաբանական ուժ ունեցող 2 օրինակից: Յուրաքանչյուր կողմին տրվում է պայմանագրի մեկ օրինակ:

**ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐՆ ՈՒ ԱՏՈՐԱԳՐՈՒԹՅՈՒՆՆԵՐԸ**

**ՊԱՏՎԻՐԱՏՈՒ**

**ԿԱՏԱՐՈՂ**

«Շիրակի մարզպետի աշխատակազմ  
ք.Գյումրի, Գ.Նժդեհի փ. 16

«Գյումրու մարզական բարձրագույն  
վարպետության դպրոց» ՊՈԱԿ  
ք.Գյումրի, Անի թաղ., 11փ., 2

«ՖՆ գործառնական վարչություն  
Հ/Հ 900211120010  
ՀՎՀՀ 05558305

«ՖՆ գործառնական վարչություն  
Հ/Հ 900218000694  
ՀՎՀՀ 05500574

«Շիրակի մարզպետի աշխատակազմի  
գլխավոր քարտուղար՝

Տնօրեն՝



Ա.Աբրահամյան

Ա.Վարդանյան



«Գյումրու մարզական բարձրագույն վարպետության դպրոց»  
պետական ոչ առևտրային կազմակերպության կողմից  
2026 թվականին մատուցվող ծառայությունների ընդհանուր նկարագրությունը

Մարզադպրոցի ուսումնամարզական գործընթացը կազմակերպվում է առաջնորդվելով ՀՀ կրթության, գիտության, մշակույթի և սպորտի նախարարության միջոցառումների օրացուցային պլանի համաձայն:

«Գյումրու մարզական բարձրագույն վարպետության դպրոց» ՊՈԱԿ-ը նպաստում է մատաղ սերնդի առողջ ապրելակերպը ուսումնամարզական պահանջների, սպորտային կատարելագործման և բարձրագույն վարպետության բարձրացմանը:

Կատարողը ապահովում է մանուկների և պատանիների առողջության պահպանումը, ամրապնդում ընտրած մարզաձևերում ունակությունների կատարելագործումը, հայեցի դաստիարակումը, ՀՀ ազգային հավաքական թիմերի համալրումը և մասնակցությունը միջազգային մրցաշարերում:

Ապահովում է մարզիկների ընդհանուր զարգացումը հոգևոր մշակութային հմտությունների և կարողությունների, բարեկիրթ խոսքի և վարվելաձևի ինքնավերահսկման, պարզագույն հմտությունների, անձնական հիգիենայի և առողջ կենցաղի հիմունքների տիրապետումը: Մարզումները նաև նպաստում են առողջ զինվորներ պատրաստելու համար:

Մարզադպրոցի օրացուցային պլանի համաձայն տարվա ընթացքում և տարեվերջում անցկացվում է ստուգատես մրցումներ ըստ մարզաձևերի:

**ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐՆ ՈՒ ՍՏՈՐԱԳՐՈՒԹՅՈՒՆՆԵՐԸ**

**ՊԱՏՎԻՐԱՏՈՒ**

**ԿԱՏԱՐՈՂ**

ՀՀ Շիրակի մարզպետի աշխատակազմ  
ք.Գյումրի, Գ.Նժդեհի փ. 16

«Գյումրու մարզական բարձրագույն  
վարպետության դպրոց» ՊՈԱԿ  
ք.Գյումրի, Անի թաղ., 11փ., 2

ՀՀ ՖՆ գործառնական վարչություն  
Հ/Հ 900211120010  
ՀՎՀՀ 05558305

ՀՀ ՖՆ գործառնական վարչություն  
Հ/Հ 900218000694  
ՀՎՀՀ 05500574

ՀՀ Շիրակի մարզպետի աշխատակազմի  
գլխավոր քարտուղար՝

Տնօրեն՝

Ա.Աբրահամյան

Ա.Վարդանյան

